

29.

*Necessitas patientiae.*

Ut nihil, quod patiaris, habeas, in tua non est potestate. Ut vero, quod pateris, patiaris bene, in tua est potestate cum gratia Dei. Pati aliquid debes; tantum cura, ne frustra, ne sine merito, ne cum damno.

30.

*Affectus malus.*

Avicula, ne avolare possit, a minimo etiam filo tenetur. Anima, quo minus ad Deum se levet, ab uno ligatur affectione. Ut ut haec sit modica, tenet tamen, & a non modico retinet profectu. Nam modica qui spernit, paulatim decidet; & qui in modico non est fidelis, nec in magno diu fidelis erit.

31.

*Vanitas mundi.*

Quid plausus hominum, quid pompa juvat? pauculi labentur anni, & dicetur tibi: migrantum est. Et migrantem neque ora hominum, neque luxus vestium, neque loculi sequentur.

**NOVEMBER.**

1.

*Mortalitas hominis.*

Genarum purpura, oculorum vigor, & corporis totius habitus mutabitur. Carnem tuam vermes exedent, & tui memoria etiam apud amicissimos paulatim interibit. Interim ubi erit anima?

2.

*Inconstantia in promissis.*

Vide, ne lingua tua manu major sit. Erit autem, cum plura promiseris, quam feceris. Aut non promitte, aut quae promittis, imple. Fides aut non danda, aut servanda. Aut Deo nihil vove; aut, quae vovisti, redde.

3.

*Recta vitae methodus.*

Sic vive hodie, quasi dies iste vitae tuae foret ultimus. Si in crastinum supervivis, etiam crastinum tibi ultimum crede. Unus certe erit ultimus; & ille, si sic vixeris, optimus.

4.

*Amor sapiens.*

Amare, a quo non possis amari, erroris est: a quo possis non amari, periculi; a quo non possis non amari, felicitatis. Errorem habebis in amore temporalium; periculum in amore hominum; in amore Dei felicitatem perpetuam.

5.

*Humana fragilitas.*

Quomodo Deo audes toties aliqua promittere, & non praestare promissa; qui gloriaris, etiam homini nihil promittere, quae non praestes? *S. Basilius.* Qui in virtute se exercuit, gaudiis nunquam caret, qui peccavit, nunquam dolore. *Idem.* Thesaurus tuus humilitas; sine hac enim divitiae tuae nihil sunt; cum hac etiam inopia tua divitiae erunt. *Idem.*

6.

*Cura sui ipsius.*

Ibi nulla virtus, ubi occulta in aliorum vitam curiositas. Quantum curae quisque aliis impedit vitiose, tantum sibi detrahit. Dum alios male observat, se negligit, & nec illum, nec se corrigit.

7.

*Contemptus sui ipsius.*

Plerique in domo Dei non patiuntur haberi contemptui, qui in sua non nisi contemptibiles esse potuerunt: ut, quia videlicet, ubi a pluribus honores appetuntur, ipsi locum habere non meruerunt, saltem ibi honorabiles videantur, ubi ab omnibus honores contemnuntur.

8.

*Premium veritatis.*

Nihil diu praeponderat veritati. Quare certis in causis praestat silere, quam loqui: nec vindice opus est stylo, ubi sui ipsius vindex, & propugnatrix est veritas. *S. Ignat.* Vivere non possem, si quid in anima mea humanum, & non omni ex parte divinum adverterem. *Idem.*

9.

*Studium perfectionis.*

Qui mundum semel felici fuga contempsit, ut Deo serviret, non timet a mundo per partem exire. *S. Dominic.* Negligentia, quae ex fiducia propriae

virtutis exoritur, tentatio omnium periculosisima est. *Idem*. Ut cito quis doctus fiat, legat librum amoris, & vulnerum Christi. *Idem*.

10.

*Fiducia ergo B. V. MARIAM.*

Cum omnia desperata sunt, & totus mundus contra vos, & amicos vestros conjurat; accedite ad pedes Deiparae Virginis, & in sinum illius vos conjicite. Mihi credite, quia liberabit vos. Tempus autem eidem nolite praescribere: scit enim illa melius, quid, & quando vobis expediat.

11.

*Humana Sotolia.*

In statera lances duas considera. Quantum una repletur solatiis humanis, tantum altera veris gratiae vacatur divitiis. Has augere vis? illa minue. Ambo non convenient: a coelo enim non datur immediatus ad coelum transitus.

12.

*Voluntas Dei.*

Tria haec frequenter examina. Pri-

mo: quid tu a Deo velis? Secundo: quid a te velit Deus? Tertio: quae res impediat, quo minus hoc exequi studeas.

13.

*Amor Creaturarum.*

Utrum male ames creaturam, inde colliges, si creaturae amor te impedit ab amore creatoris. Impediet autem certo, si ratio amandi creaturam non sit ipse creator. Quomodo, aut quid hactenus amasti?

14.

*Tria hominum genera admodum rara.*

Tres viri non inveniuntur in orbe: vere industrius, qui victu necessario careat: qui moderata abstinentia valetudini noceat: qui cum possit, audire verbum Dei negligat, frugi tamen sit.

15.

*Amicitiae fallaces.*

A te vero gaudio o bone Deus! per exteriora recedens, dum te solo careo, adulterinas amicitias in his exterioribus quaero. Sic miser ego cor meum, quod tibi soli debui toto amore, totoque

124

NOVEMBER.

affectu impendere, vanitati dedi: & ideo  
vanus effectus sum, dum vanitatem di-  
lexi.

16.

*Memoria Dei.*

In manibus tuis descriptsisti me, ut  
semper sit memoria mea apud te, si ta-  
men memoria tui jugiter fuerit apud  
me. *S. August.* Solil. c. 13. Cum hoc  
diligenter considero, Domine Deus me-  
us, terribilis & fortis, timore pariter, &  
ingenti rubore confundor: quoniam no-  
bis magna est indita necessitas juste  
recteque vivendi, qui cuncta facimus  
ante oculos judicis cuncta cernentis.  
*Idem.*

17.

*Bonitas Dei.*

Omni momento me tibi obligas, dum  
omni momento mihi tam magna benefi-  
cia praestas. Sicut ergo nulla hora est,  
vel punctum in omni vita mea, quo tuo  
beneficio non utor: sic nullum debet  
esse momentum, quo te non habeam  
ante oculos in mea memoria, & te non

NOVEMBER.

125

diligam ex omni fortitudine mea. *S. Au-*  
*gust.*

18.

*Pericula virtutum.*

Periclitatur castitas in deliciis; hu-  
militas in divitiis; pietas in negotiis;  
veritas in multiloquio; innocentia in  
occasionebus; justitia in muneribus; vir-  
tus in prosperitate. Quis evadet? Cau-  
tus. Cautus esto; res ubique plena pe-  
ricli est.

19.

*Imago vitae praesentis.*

Vita humana ludus quidam est, ac  
comoedia; in qua non illi excellit, qui  
principem personam agit, sed qui bene  
suam. Illud in potestate choragi est, hoc  
in tua.

20.

*Testamentum Christi.*

Auctor pietatis in cruce pendens tes-  
tamentum condidit, singulis pietatis ope-  
ra distribuens. Apostolis persecutionem,  
judeis corpus, Patri spiritum, para-  
nymphum virginis, latroni paradisum,  
peccatori infernum, christianis vere poe-

nitentibus crucem commendavit. *S. August.*

21.

*Dotes veri Doctoris.*

Ad docendum mirabiliter propendemus, & saepe ante, quam docti simus; & longe saepius ante, quam docenda exercuerimus. Non ita Christus coepit facere, & docere. Triginta annis in exercitatione fuit, tres docuit.

22.

*Vera gaudia speranda in coelo.*

Delicatus es, frater, si & hic vis gaudere enm saeculo, et postea regnare cum Christo. *S. Hicron.* Alias enim dicetur tibi, quod olim Abraham Epuloni dixit: *Fili recepisti mercedem tuam.* Tolera igitur mala cum Lazaro, ut recipias bona in coelo.

23.

*Constantia in bono.*

Vix, quod valde bonum est, sine luctu incipitur. Vix, quod incepitum est, sine taedio continuatur. Vix, quod continuatum est, eodem fervore finitur.

Non qui bene coepit, sed qui bene finit, coronatur: finis enim coronat opus.

24.

*Purus Dei amor.*

Quia Deo non omnia, sed tantum usum fructum damus, fundum vero, & haereditatem affectuum nobis retinemus: ideo purum, & perfectum Dei amorem non consequimur. Qui dedit omnia, meetur omnia.

25.

*Praestantia obedientiae.*

Nulla via hominem citius, expeditiusque ad summam perfectionem adducit, quam obedientia. *S. Theresia.* Plus amat Deus in te minimum obedientiae, & submissionis gradum, quam obsequia multa quae illi praestare cogitas.

26.

*Timor inutilis.*

Multa aversamur ante, quam causam aversandi habeamus. Difficultatem saepe facit difficultatis timor, Heroica rerum difficilium experientiae aut non sentit difficultatem, aut tollit. Aude; Triumphabis.

27.

*Ignis purgatorii.*

Qui in aliud saeculum distulit fructum conversionis, prius purgabitur igne purgationis. Hic ignis, etsi non sit aeternus, miro tamen modo gravis est; superat enim omnem poenam, quam homo unquam passus est in hac vita, vel pati potest. *S. August.*

28.

*Scopus animae.*

Anima, quam creasti, ita facta est capax majestatis tuae, quod a te solo, & a nullo alio impleri possit. Quando autem te habet, plenum est desiderium ejus: & jam nihil aliud quod desideretur exteriorius, restat. *S. August.*

29.

*Cura minimorum.*

Imitemur Deum faciendo bona quaecumque sine turbatione, sine proprio quaestu, sine praesumptione; sed quasi forent exigua. Non minorem diligentiam adhibeamus in parvis, quam in magnis: sicut etiam Dei perfecta sunt

opera omnia, non minus formica, quam Elephas.

30.

*Varia hominis aetas.*

Adolescentia nostra ver est: floret spe. Juventus nostra aetas est: fervet cupiditate, Virilitas nostra autumnus est: pollet fruge, Quid senectus nostra? Hyems non sit. Nulla aetas sit sine fructu; nec ulla carebit optato praemio.

## DECEMBER.

1.

*Bonitas Dei.*

Dominus miseretur, castigat,hortatur, custodit, & in doctrinae mercedem ex redundanti amoris copia nobis regnum coelorum promittit: hunc solum fructum percipiens ex nobis, quod salvi fiamus. Tanta Deus pro te; & quid tu pro Deo?

2.

*Divitiarum abundantia.*

Aurum, & argentum vel privatim vel publice est odiosa possessio: si usum

excesserit, rara ad acquirendum, difficilis ad custodiendum, & non apta ad utendum. Congrega ergo thesauros in coelo; ubi nec tinea, nec aerugo eos corruptit.

## 3.

*Verae divitiae.*

Verae sunt divitiae justitia, & Dei gratia. Quae quidem divitiae non ex praediis augentur, sed a Deo donantur. Divitiae, quae afferri non possunt; quarum est thesaurus casta anima, quae hominem vere reddit beatum.

## 4.

*Fons eleemosynae.*

Quemadmodum quicumque putei scaturiunt, exhausti in pristinam mensuram revertuntur: ita etiam cleemosyna, quae est bonus fons benignitatis, potum sitientibus communicans rursus augetur, & repletur. Quemadmodum ad ubera, quae suguntur, solet lac confluere.

## 5.

*Bona voluntas.*

Eundem honorem consequentur ii,

qui voluerunt, cum iis, qui potuerunt: quorum est, voluntas aequalis, etsi facultates sint inaequales. Fac igitur velis, quod actu non potes: nec frustra vole. Deus enim scrutatur renes, et corda.

## 6.

*Dei cultus.*

Dei cultus est continua animae cura ei, qui est praeditus cognitione; & ejus perpetua in Deo occupatio per charitatem, quae nunquam intermittitur.

## 7.

*Character Christiani.*

Christiani non aliunde noscibles, quam de emendatione vitiorum pristinorum. Christi enim sententia est: *Qui vult meus esse discipulus, abneget semetipsum; tollat crucem suam, & sequatur me.*

## 8.

*Spectacula Theatrorum.*

Impudicitiam omnem amoliri jubemur. Hoc igitur modo etiam a theatro separamur, quod est privatum consistorium impudicitiae: ibi enim nihil probatur, quam quod alibi non probatur.

9.

*Vanitas mundi*

Tu peregrinus es mundi hujus, civis supernae Hierusalem. Nihil tibi cum gaudiis saeculi: imo contrarium habes. Saeclum enim gaudebit; vos vero lugebitis. Et felices ait lugentes: quia consolabitur eos Dominus in aeternitate.

10.

*Vis gratiae.*

Non qui beneficiorum terrestrium mos est, in capessendo munere coelesti, mensura ulla, vel modus est. Profluens largiter spiritus, nullis finibus premitur. Manat jugiter: exuberat affluerter. Nostrum tantum sitiat pectus, & pateat; quantum enim fidei capacis afferimus, tantum gratiae inundantis haerimus.

11.

*Virginitatis excellentia.*

Virgines sunt flos ecclesiastici germinis; decus, atque ornamentum gratiae spiritualis. Virginitas est laudis & honoris opus integrum, atque incorruptum; Dei imago respondens ad sancti-

moniam Domini, & illustrior portio Christi. Tu quis es? fuisti? aut esse potes?

12.

*Efficacia orationis Dominicæ.*

Quando peccatores pro delictis veniam petimus, advocati nostri verbis rogemus. Nam cum dicat: quia, quodcumque petierimus a Patre in nomine ejus, dabit vobis: quanto efficacius impetramus, quod petimus in Christi nomine, si petamus ipsius oratione?

13.

*Mors optanda.*

Tot persecutions animus quotidie patitur, tot periculis pectus urgetur; & delectet tot inter diaboli gladios diu stare? Nonne magis optandum est, ad Christum, subveniente velocius morte, properare? Certe S. Paulo mori lucrum, & vita mors erat.

14.

*Jejunii emolumenta.*

Jejunium morbos sanat, distillaciones exiccat; daemones fugat, malasque

cogitationes expellit. Mentem nitidiorum reddit, & cor purgatius & corpus salubrius; & ad thronum Dei homines sistit.

15.

*Sensa humilitatis.*

Humilis est anima, si non observat, neque judicat aliorum lapsus: sed tantumodo sua curat, & aeterna poena se dignam existimat. Sic vive, & vere humilis es: humilibus autem dat gratiam Deus, qui superbis resistit.

16.

*Semper vigilare.*

Nullus justus diem sine metu transigit: scit enim omnes dies plenos insidiarum sibi esse, atque diabolum ejus exidium sibi semper moliri. Scit insuper illam diem Domini occultam, insperatam, & modo nocturni furis repentinam esse futuram.

17.

*Arbiter Conscientiae.*

Summa vigilantia operam dato, ut aliquem tibi Virum invenias, quem in

omnibus delectae tuae vitae studiis dum sequaris. Talem Virum, qui rectum iter, ad Deum volentibus pergere, sciatur monstrare; qui ornatus virtutibus sit; cui totius vitae actiones testimonio sint, charitatem in eo erga Deum inesse uberrimam.

18.

*Modus bene docendi.*

Alios docere aggredi, priusquam ipsi satis edocti simus, valde stultorum, aut temerariorum hominum esse videtur. Stultorum, si ne inscitiam quidem suam agnoscant: temerariorum, si cum eam cognitam habeant, hoc tamen negotium aggredi non verentur,

19.

*Puritatis remedia.*

Tria sunt excolendis virtutibus, ac coelesti puritati per quam accomoda. Temperantia ventris, moderatio linguae, & oculorum fraenum. Castiga ergo corpus; ori pone custodiam, & oculis repagulum.

20.

*Necessaria petenda.*

Quaerere jubemur id, quod est satis

ad naturam corporis conservandam. Panem da, ad Deum dicimus; non luxum, non delicias, neque divitias. Neque quidquam petamus, per quae anima a divinis, & a salutis cura abstrahitur; sed panem.

21.

*Timor mortis.*

Certe iis, quibus est gravis timor mortis, non est grave mori; sed grave est vivere sub metu mortis. Non ergo mors gravis, sed metus mortis. Metus autem opinionis est; opinio vero nostrae infirmitatis, quae semper est contraria veritati.

22

*Gratiae Christi efficacia.*

Negavit Petrus, & non flevit; quia non respexerat Jesus. Negavit secundo, & non flevit; quia non respexerat Dominus. Negavit tertio; respexit Jesus, & statim flevit, & flevit amare. Fac igitur, ut cor tuum contritum respiciat Jesus; sic enim tuus exaudietur fletus.

23.

*Paena peccati.*

Gravior adversarius nobis culpa est nostra: nam solicitat otiosos, affligit sanos, contristat laetos, inquietat placidos, exagitat mites, exitat dormientes. Rei sumus sine accusante, sine tortore cruciamur, sine vinculis adstringimur.

24.

*Bona correctio.*

Plus proficit amica correctio, quam accusatio turbulenta. Illa pudorem inexcusat, haec indignationem movet. Celebratur potius, quod prodi noceat: qui enim incaute vulnus tractat, nocet saepius, quam curat.

25.

*Vera amicitia.*

Vera illa necessitudo est, & Christi glutino copulata, quam non utilitas rei familiaris, non praesentia tantum corporum; non subdola, aut palparis adulatio, sed Dei timor, & divinarum scripturarum studia conciliant.

10

26.

*Fuga temptationum.*

Cur, inquieris, pergis ad eremum? ut bella non patiar. Respondebis, hoc non est pugnare, sed fugere. Fateor imbecillitatem meam: nolo spe pugnare victoriae, ne perdam aliquando victoram. Non vinco in eo, quod fugio; sed ideo fugio, ne vincar. Nulla securitas est vicino serpente dormire. *S. Hieronymus.*

27.

*Tribulationes.*

Quotiescumque angustiis subiacemus, mala recipimus a Deo, & examinamur persecutionibus, ut quidquid in nobis adulterinae materiae est, tribulationum, & miseriaram exuratur ardoribus. Argentum enim Domini igne examinatum, probatum terrae, & purgatum est septuplum.

28.

*Mortis memoria.*

Facile contemnit omnia, qui se semper cogitat, esse moriturum. Beatus proin est homo, qui horam mortis suae

quotidie ante oculos habet; sic enim & bene vivet, & sancte morietur. *Memo-  
rare novissima tua,* ait Christus, & *in  
aeternum non peccabis.*

29.

*Verae divitiae.*

Verae divitiae sunt & inexhaustae facultates, desiderare tantum, quantum usui satis, & ea, quae usum exedunt, recte dispensare. Si tu omnem vitabis excessum, Deus sublevabit defectum; nam in ipso, per ipsum, & ab ipso sunt omnia.

30.

*Vanus timor Hominum.*

Quis es tu, ut timeas a mortali homine? hodie est, & cras non compareret. Deum time, & terrorcs hominum non expavescas; si enim ille pugnat pro te, quis stabit contra te? Aut quid potest alius in te verbis, aut injuris? sibi potius nocet, quam tibi; nec poterit judicium Dei effugere, quicumque demum sit ille. *Thonas de Kemp.*

31.

*Procrastinatio Conversionis.*

Noli inter spes meliorum temporum,  
& occasionum vitam transigere; & de  
die tuam differre conversionem. Si ali  
quando bene victurus es, quia poteris;  
nunc bene vive, quia potes. Omne tem  
pus, omnisque occasio ei, qui vult iis  
bene uti, ad bene vivendum congruunt:  
qui enim redemit te omni die, hora om  
ni, & momento manus suas expandit ad  
te. Sed memento, & serio reflecte te;  
qui tibi dat diem hodiernum nec pro  
misit, nec debet crastinum. Multi per  
orbem hodie in fine anni finiunt vitam;  
forsan & hic annus, aut proximus erit  
vitae tuae ultimus. Ut autem quilibet  
annus sit tibi optimus; sic vive semper  
hodie, quasi cras moriturus.

**FINIS.**

